



18.01.2024

## Siulersuisut ataatsimiinnerat

**Ataatsimiinnermi peqataasut:** Suzanne Møller (Siulittaasoq arnaq), Svend Hardenberg (Siulersuisuni ilaasortaq), Malan Marnersdottir (Siulersuisuni ilaasortaq), Niviaq Lasarz (Siulersuisuni ilaasortaq), Maren Mikkelsen Lennert (Siulersuisuni ilaasortaq), Silke Reeploeg (Siulersuisuni ilaasortaq), Ross Virginia (Siulersuisuni ilaasortaq), Gitte Adler Reimer (Rektori), Per Arnfjord (Ilisimatusarfimmi pisortaagallartooq), Ilannguaq K. Møller (Pisortanut allatsi/Imaqarniliuisoq)

**Peqataangitsut:** Karsten Høy (Siulittaasup tullia), Inaluk Brandt (Siulersuisuni ilaasortaq), Lars Demant-Poort (Siulersuisuni ilaasortaq), Lars Jørgen Kleist (Siulersuisuni ilaasortaq)

## Ataatsimiinnermit imaqarniliaq

### 1. Oqaluuserisassaq matoqqasoq

Matut matoqqatillugit ingerlanneqarpoq.

### 2. Ullormut oqaluuserisassat akuerineqarneri

**Aalajangiussaq:** Ullormut oqaluuserisassat oqaaseqaateqarfigineqaratik akuerineqarput.

### 3. Ataatsimiinnerup siuliata imaqarniliornerata akuerineqarnera

**Aalajangiussaq:** Siulersuisuni ilaasortap Silke Reeploegip 'peqataangitsutut' allaqqanerata 'peqataasutut' allangortinneqarnissaa tunngavigalugu imaqarniliaq akuerineqarpoq.

### 4. 2024-mut Missingersuut

Ataatsimiinnerup siuliata kingorna suut allannguutaasimanersut suullu inissitsitinneqarnissaannut amigaataanersut naatsorsuuserisut pisortaata oqaatigai.

- 2023-mi akissarsiat allinerisa iluarsaavigineqarnerannut 1,6 millionit Aningaasaqarnermut Sulisoqarnermullu Aqutsisoqarfimmut nuunneqarsimapput, tamannalu missingersuutitut ilanngunneqarsimavoq 2024-milu akissarsiassanut 0,5 millionit koruunit qaavatigut immikkoortinneqassasut aamma naatsorsuutigineqarpoq. Tamassuma saniatigut naatsorsuutigineqarpoq akissarsiat qaffannerat missingersuut tamakkerlugu immikkoortinneqarsimasut 2%-ianit pissarsiarineqarsinnaassasut.

- 2023-miit 450.000kr.-it nuunneqarsinnaanerit mianersortumik naatsorsuutigineqarsimavoq, kisianni tamanna 2024-mi februaarip 7-iani 2023-mut naatsorsuutinik inaarinermit aatsaat takuneqarsinnaalissaaq.
- Aningaasani agguassani 1%-ni aningaasat atorineqarsimangitsut utertinneqassapput. Tamassuminnga suliaqarnerup 2024-mi februaarip 7-iutinnagu naammassereersimanissaa naatsorsuutigineqarpoq.

Ilisimatusarfik tamakkerlugu ataatsimut missingersuusiortoqarnissaata aqutsisunit qulakkeerneqarnissaa siulersuisut piumasaraat, taamaasillutik siulersuisut naleqqiussaqaarsinnaangussapput aamma missingersuutip saqqummiunneqartup qanoq eqqortigineranut isummersinnaangorlutillu akuersisinnaangussapput.

**Aalajangiussaq: 2024-mut Missingersuummut aallaavigisassat suliarineqassapput. Tamanna maannamiit malitassatut atuuttunngortinneqarpoq.**

**Aalajangiussaq: 2024-mut tamakkiisumik kisitsisit suliarineqassapput. Tamanna maannamiit malitassatut atuuttunngortinneqarpoq.**

Aningaasat 1,1 millionit koruunit Peqqissaanermik Pinngortitamillu Ilisimatusarfimmit, Ilinniartitsinermik Ilisimatusarfimmut nuunneqarsimasut naatsorsuuserisut pisortaata saqqummiuppaa. Aningaasat taakkua Peqqissaanermik Pinngortitamillu Ilisimatusarfimmut utertinneqassapput. Aningaasat uteqattaartillugit nuunneqaqattaarneri siulersuisut eqqarsarnartoqartippaat.

**Aalajangiussaq: 1,1 millionit koruunit taakkua uteqattaartillugit nuunneqaqattaartut erseqqinnerusumik qulaajarneqarnissaat siulersuisut kissaatigaat.**

**Aalajangiussaq: 2024-mut Missingersuummi aningaasanut atorineqanngitsunut pingaarnersiunerit allattorsimaffimmik aqutsisut suliaqassapput. Sipaarniuteqarnissamut periarfissat maannakuugallartoq missingersuummut ilanngunneqarsimapput taamaasillunilu aningaasaqarneq tamakkiisumik inissinneqareerpat pingaarnersiuisoqassaaq. Pingaarnersiunerit sukumiinerusumik nassuiarneqarlutik nassuiaatitut allaganngortinneqassapput.**

**Aalajangiussaq: Paasissutissat avataaneersutut siunnersortip pissarsiarisartagai tamarmik Ilisimatusarfiup naatsorsuuserinermit immikkoortortaqarfiata pissarsiarisinnaasassagai qulakkeerneqassaaq.**

**Aalajangiussaq: 2024-mut Missingersuut eqqortoq suliarineqassaaq.**

**Aalajangiussaq: Pingaarnersiukkat allanngortinneqarnissaannut kissaatigisat tamarmik siulersuisunut saqqummiunneqartassapput, aqutsisuniillu namminersorlutik aalajangiiffigineqartassanngillat.**

Teknikkimut aqutsisutut atorfimmut amerlanerusunik qinnuteqartoqarnissaanut pilerinarsaaniarluni atorfiup immikkoortortaqarfimmi pisortamut allanngortinneqarnissaa aqutsisut isumaliuutigisinnaavaat taamaasillunilu akissarsiat qaffasissusaata iluaniissaaq.

Ataatsimiinnermi uani 2024-mut Missingersuutip akuerineqarnissaanut isumaqatigiissutit aqutsisut tungaanniit eqquutsinneqarsimanginnera siulersuisut naammaganngitsutut isigaat.

**Aalajangiussaq: Siulersuisut 2024-mi februaarip naanerani tullissaattut ataatsimiinneranni 2024-mut Missingersuut pillugu inaarutaasumik aalajangiisoqarnissaa siulersuisunit naatsorsuutigineqarpoq. Ullormut oqaluuserisassanik nassiussivissatut piffissaliussaq tassaavoq februaarip 14-iat 2024.**

## 5. Ataatsimiinnissap tullissaanut piareersarneq

- Ph.d.-tut ilinniarfiup saqqummiinissaa
- Najukkami nunalu tamakkerlugu kalaallisut fagimut ilinniartitsisussanik qulakkeerinninnissamut suliniutit aamma unammillernartortai pillugit saqqummiineq eqqartuinerlu. Siulersuisutut qanoq isilluta suliassaqarfik taanna ikorfartorsinnaavarput?
- Sullivimmik nalilersuisitsinermik (APV-mik) malittarinninneq
- Sinniilluni pisussaatitaaneq

**Aalajangiussaq: Oqaluuserisat tamakkerlugit ataatsimiinnerup tulliani ilanngunneqassapput, Ilisimatusarfimmullu ineriartortitsinermut isumaqatigiissummut missingiutip ataatsimiinnerup tulliani atsioqatigiissutiginnissaanut Ilinniartitaanermut Naalakkersuisoqarfik aammattaaq aggersarneqassaaq.**

## 6. Oqaluuserisassaq matoqqasooq

Matut matoqqatillugit ingerlanneqarpoq.